

Domingo - 1 - febreiro - 1981

En maio, «I Congreso de Escritores en Lingua Galega»

SANTIAGO.—(Da nosa Delegación).

Nos tres primeiros días do mes de maio próximo, celébrase no Mosteiro de Poio (Pontevedra) un congreso de escritores en lingua galega, no que tomarán parte cantos literatos e ensaistas hai no país galego e desexen contribuir ao estudo de temas relacionados co escritor e o seu mundo cultural e social en Galicia.

A directiva da Asociación de Escritores en Lingua Galega está remesando actualmente cartas a todos os seus asociados,

para que elaboren as ponencias que crean oportunas nos diferentes temas de discusión e debate, ponencias que elaborarán ben individualmente ou ben en grupo.

Todos os aspectos relativos a organización e desenvolvemento do congreso, no que tamén tomarán parte destacados escritores de outros países concretarase no decorrer dunha asemblea xeral da Asociación de Escritores que terá lugar o vindeiro día 14 de febreiro no Museo do Pobo Galego en Santiago.